



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. VIII. De Electione à Capitulo facta in discordia, concurrente postulatione;  
facta, partim de persona digna, partim de indigna.

---

[urn:nbn:de:hbz:466:1-61641](#)

## §. VII.

*Ad quos pertineat potestas eligendi, quando Capitulares elegérunt indignum?*

In casu hujus §. vel aliqui tantum Capitulares indignum scienter elegēunt, vel omnes; si aliqui tantum, potestas elegendi penes illos remanet, pro hac vice, privatis aliis, qui in electionem indigni non consenserunt, licet numero pauciores sint, quia in his, etiam si unicus tantum esset, remanet jus Collegii *Gloss. in c. perpetuo 7. b. t. in 6.* Ita ut possint hi pauciores in tali casu vel statim, eodemque contextu, decretum electionis suū, si in ea persistant, promulgare, vel novum Scrutinium inchoare, exclusis illis, qui indignum scienter elegēunt. Si vero omnes deliquerunt indignum eligendo, potestas providendi, in Metropolitanis, & Cathedralibus Ecclesiis ad Summum Pontificem, pro eā vice, de jure antiquo devolvitur, uti & in Ecclesiis inferioribus ad eum superiorē, cuius est electum confirmare, *c. quamquam 18. b. t. in 6.* Quæ devolutio etiam sit in eo casu, quo in secunda electione delinquent, indignum eligendo, qui in prima electione non deliquerunt, cūm in tali casu etiam pœnam privationis incurrant *c. bone 23. juncta Gloss. V. & non b. t.* quæ tamen pœna, nec ab his, nec ab illis incurritur, nisi subsecuta sit communis electio, ex votis male eligentium, ita ut, quamvis Scrutinium publicatum sit, pœnam tam hanc non incurrant, sed ad aliud Scrutinium procedere possint, cūm verba pœnalia non loquuntur de solo Scrutinio indigni, sed de electione indigni,

ut constat etiam excitat. *Capit. perpetuo 7. b. t. in 6.* possunt tamen, si volunt, qui soli habiles sunt in tali casu eligendi Prelati, etiam illos ad coëligendum admittere, qui propter indigni electionem pro illa vice privati sunt iure eligendi, uti notat *Gloss. in c. cum Vintoniensis 25. V.* admirarent, *b. t.* Cūm privatio talis fiat in favorem dignè eligentium, cui cedere possunt. Sive tamen ad hanc secundam electionem gratiosè admissi fuerint, qui propter indigni electionem pro ea vice jure eligendi privati fuerunt, sive exclusi fuerint, ad tertiam tamen electionem, si tercia facienda est, eò quod secunda effectum suum sortita non fuerit, admitti debent, ut Pontifex decidit in cit. *c. cum Vintoniensis 25. b. t.* cūm isti suspenſi non sint ab officiis, quorum actus est electio, sed jure eligendi tantum sint privati pro una vice.

## §. VIII.

*De Electione à Capitulo facta in discordia, concurrente postulatione; facta, partim de persona digna, partim de indigna.*

**S**i postulatio, & electio concurrant in discordia, ita ut aliqui Capitularium v. g. eliant, alii postuleant aliquem, ut admitti possit postulatio facta de digno, rejecta electione, requiritur, ut duæ partes postulantum in postulandam consentiant, prout superiorē tit. §. 4. jam dictum, & habetur in *c. scriptum 40. b. t.* si vero indignum postulaverint duæ partes, quem ignorabant tamen indignum, eligentium vero tertia pars, vel minor etiam dignum elegerint, reprobatur tam postulatio quam electio, illa quidem,

H 2

quia

quia facta est de indigno; haec vero quia minor pars Capituli in eam consenserit; cum enim in tali casu, quo indignum quidem, ignorantes tamen postulaverunt duas partes Capitularium, privata haec non sint jure suo eligendi, consequenter à tertia parte electus, non est à maiore parte Capituli, jus eligendi habentis, electus, ergo nulla est talis elec-

**titio.**

**§ IX.**

*Ad quos pertineat potestas eligendi, si Capitulares inhabilem, sive postulandum, sine licentia, ac dispensatione superioris, ad administrationem receperint?*

**R**esp. pertinere ad eos Capitulares, quamvis pauciores sint, qui non contenserunt, ut postulatus, ante admissionem postulationis ad administrationem aliquam admitteretur; si vero omnes in eo admittendo conseruerunt, & deliquerunt, ad superiorem, ad quem postulati emissio pertinet, devolvitur jus providentiali Ecclesiae c. bona 23. b. 2. cum enim illi, qui tales admittunt ad administrationem ante postulationis admissionem, pro ea vice privati sint jure eligendi, consequenter dicto modo sit devolutio, vide quae in pari casu dicta sunt §. 7.

### SECTIO II.

*De electis, vel eligendis ad Pralaturas, & dignitates Ecclesiasticas.*

#### §. I.

*De qualitatibus requisitis in eo, qui eligendus est in Episcopum.*

**Q**uartuor qualitates requiri in eo, qui promovendus est in Episcopum ex c. cum in cunctis 7. b. 2. pater, etatis scilicet maturitas, morum honestas seu probitas, litterarum scientia, & ut sit legitimo matrimonio natus; si enim, ut Pontifex in hoc Capitulo loquitur, in promovendis ad quævis officia Ecclesiastica haec qualitates requirantur, multò magis in Episcopo haec requiri debent; & quidem circa statem statuit in hoc ipso Capitulo Pontifex juxta Concil. Lateranensis detretum, ut nemo in Episcopum eligatur, nisi annum etatis 30. compleverit. De scientia vero, quamvis Pontifex assertat in c. nobis 29. b. 2. desiderandam quidem eminentem, tolerandam tamen competenter, ut munera sui necessitatibus possit satisfacere, ut dicit Trident. sess. 22. c. 2. de reformat. & ideo vult, ut talis eligendus vel Doctor sit, aut Licentiatus in sacra Theologia, vel jure Canonico, vel saltem publico aliquius Academia testimonio idoneus ad alios docendos ostendatur. Qualis autem virtus morumque probitas requiritur in eo, qui eligendus est in Episcopum, describit Sanctus Paulus ad Timoth. c. 3. & ad Titum c. 1. Quod autem ex legitimo Matrimonio natus esse debet, qui in Episcopum est eligendus, ex c. innotuit 20. b. 2. patet. & quamvis cum illegitimè nato dispensatum jam tuisset, ut ad alias dignitates Ecclesiasticas, Episcopali inferiores, eligi posset, non tamen vi talis dispensationis eligi posset ad dignitatem Episcopalem, aut hac maiorem, prout sumitur ex citat. c. cum Vintoniensis.

#### §. II.

*De qualitatibus requisitis, in promovendis ad dignitates Episcopatu inferiorres, & ad beneficia curata.*

Eadem